

**Imm. 3.1 Teknikkeqarnermut Avatangiisinullu ataatsimiititaliamut oktobarimut aningaasaqarnermut nalunaarusiaq – Ingerlatsinermi sanaartornermilu suli.**

Journalnr. 06.01.02

2024-mi oktobarimut aningaasaqarnermut nalunaarusiaq 05-11-2024 tungaanut atuiffilersuilluni naatsorsugaavoq.

**Ingerlatsinermut akissarsianullu kisitsisit pingaarnerit**

Teknikkeqarnermut Avatangiisinullu immikkoortortami ingerlatsinermut immikkoortoq 91 procentinik aningaasanngorlugu 57 mio. koruuninik atuineramik takutitsivoq.

Ingerlatsinermut immikkoortumut katillugit 6,6 mio. koruuninik akiligassiisutininik suli akilerneqanngitsoqarpoq taakkunannga 3 mio. koruunit tungaanut pisisarfinnut assigiinngitsunut akiligassanik akileeqqusissutaallutik.

Regnskab 2024 

Level1	ÅTD Forrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	59,400,898	58,879,772	57,303,933	75.85 %	91.02 %	75,122,384	0	427,461	75,549,845	18,245,912
☐ Brandvæsen	9,117,005	11,316,485	8,504,535	74.86 %	89.83 %	11,371,132		-10,000	11,361,132	2,856,597
☐ Planafdelingen	204,739	486,497	154,020	28.48 %	34.17 %	570,877		-30,000	540,877	386,857
☐ Teknik Maniitsoq	18,934,536	17,910,427	18,725,186	76.51 %	91.81 %	24,797,872		-322,491	24,475,381	5,750,195
☐ Teknik Sisimiut	31,144,619	29,166,363	29,920,193	76.38 %	91.66 %	38,382,503	0	789,952	39,172,455	9,252,262
<b>Total</b>	<b>59,400,898</b>	<b>58,879,772</b>	<b>57,303,933</b>	<b>75.85 %</b>	<b>91.02 %</b>	<b>75,122,384</b>	<b>0</b>	<b>427,461</b>	<b>75,549,845</b>	<b>18,245,912</b>

**Ingerlatsinermi Tekniki Sisimiut**

Kommunip sannaviani atuiffimmi 562040800 atuineq missingersuutit iluanniippoq, tamatumani atuineq ukiup siulianut sanilliullugu qaffasinnerulluni. Tamanna aasaq manna asfalterinermit isertitat suli naatsorsuutininut ikkunneqannginnernik aammalu iseritassanut missingersuutit 2,2 mio. koruuninik aningaasartaqartut suli matuneqannginnernik peqquteqarpoq.

Kalaalimineerniarfiup atuiffia 562040100 maannakkut missingersuutaasut qaffaseqatigilerpai.

Ikuallaaviup missingersuutaa atuiffik 562040300 atuineramik 25 procentimik takussutissiivoq. Eqqagassanut immikkoortiterneqanngitsut pillugit akigitat akiligassiisutit sukaterneqarmata, ukioq kingullermut sanilliullugu eqqagassanut akigitaninut isertitat qaffariaateqarnikuupput. Ukioq naatinnagu isertitassanut missingersuutininik iluarsisuteqartoqarnissaa naatsorsuutigineqarsinnaavoq.

Nunaminertanik atugassiisarnermut atuiffik 562040500 sanaartorfissagissaanermik akiliisitsinernit utertitsilluni akiligassanik akileeqqusissutininut naatsorsuutininut ikkussanik imaqarpoq.

Sanaartorfissagissaanermut akiliutinut naatsorsuutininik anillatsitsineq iluarsineqarnikuuvoq aammalu sanaartorfissagissaanermut akiliutinut ingerlatsinerup ataani naatsorsuutininut ikkunneqassanersut nalilersorneqassaaq.

Regnskab 2024



Level1	ÅTD Forrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	31,144,619	29,166,363	29,920,193	76.38 %	91.66 %	38,382,503	0	789,952	39,172,455	9,252,262
☐ Teknik Sisimiut	31,144,619	29,166,363	29,920,193	76.38 %	91.66 %	38,382,503	0	789,952	39,172,455	9,252,262
☐ 561010000 - SIS Teknik og Miljø Stab	6,469,858	7,135,869	6,748,773	82.17 %	98.60 %	7,441,174		771,968	8,213,142	1,464,369
☐ 562040100 - SIS Brædtet - Qimatulivik	-167,931	1,251,648	969,539	81.72 %	98.06 %	1,336,421		-150,000	1,186,421	216,882
☐ 562040200 - SIS Entreprenørplads	7,533	96,939	21,913		Infinity					-21,913
☐ 562040300 - SIS Forbrændingsanlæg	2,996,649	3,545,808	751,978	21.62 %	25.94 %	2,539,167		939,436	3,478,603	2,726,625
☐ 562040500 - SIS Arealtildelelse	199,741	-3,449,273	714,040	-360.36 %	-432.43 %	-228,147		30,000	-198,147	-912,187
☐ 562040700 - SIS Renovation	-304,140	70,883	-1,422,796	154.48 %	185.38 %	-781,016		-140,000	-921,016	501,780
☐ 562040800 - SIS Drift TEKNISK	21,888,533	20,436,781	22,123,826	81.50 %	97.81 %	27,755,647	0	-611,452	27,144,195	5,020,369
☐ 562040901 - Sis Huse administreret af Teknik	54,377	77,708	12,919	4.80 %	5.76 %	319,257		-50,000	269,257	256,338
<b>Total</b>	<b>31,144,619</b>	<b>29,166,363</b>	<b>29,920,193</b>	<b>76.38 %</b>	<b>91.66 %</b>	<b>38,382,503</b>	<b>0</b>	<b>789,952</b>	<b>39,172,455</b>	<b>9,252,262</b>

**Akissarsianut aningaasartuutit:**

Akissarsianut atuineq atuinermik procentimik 100,13 procentimik takussutissiivoq.

Sisimiuni Teknikkimi akunnermusialinnut akissarsianut tunngatillugu nikingassut kommunip suliaaatiginnisaanut asfalterisitsinerup iluani qaangiuttoormusianik peqquteqarneruvoq.

Regnskab 2024



Level1	ÅTD Forrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	36,148,139	37,932,245	39,005,130	83.44 %	100.13 %	42,992,262	2,129,000	1,625,321	46,746,583	7,741,453
☐ Brandvæsen	4,974,471	5,349,811	4,847,292	71.35 %	85.62 %	6,794,051		0	6,794,051	1,946,759
☐ Teknik Maniitsoq	10,600,070	11,186,464	11,979,085	82.61 %	99.13 %	14,574,048		-73,689	14,500,359	2,521,274
☐ Teknik Sisimiut	20,573,598	21,395,969	22,178,754	87.14 %	104.57 %	21,624,163	2,129,000	1,699,010	25,452,173	3,273,419
<b>Total</b>	<b>36,148,139</b>	<b>37,932,245</b>	<b>39,005,130</b>	<b>83.44 %</b>	<b>100.13 %</b>	<b>42,992,262</b>	<b>2,129,000</b>	<b>1,625,321</b>	<b>46,746,583</b>	<b>7,741,453</b>

## **Sanaartornermik ingerlatsinerit**

Sanaartornermut missingersuutaasunit 05-11-2024-mi 59,3 mio. koruuninik atuisoqarnikuuvoq.

Sisimiunut tunngatillugu 2024-mi oktobarimi sanaartornermik atortulersuutinullu suliat angisuut killiffii tassaapput:

- Sarfanguani Timersortarfik tamatigoortoq - illu matuneqarpoq, kiassaait ikkussuunneqarput, gips atorlugu illup iluani iigalersuinerit ingerlanneqarput.
- Kunuuteralaap Aqq.-taani nutaanik kuuffissualersuinerit naammassineqarput. Jaakunnguup aqq.-taata kitaatungaa ingerlalereernikuuvoq. Avannaatungaanut aqqusineq sinerlugu assaanerit qaartiterinerillu ingerlanneqarput.
- Ukalilimmi kuuffissuit 2024-mi septembarimi aallartinneqarput, suliaq ingerlavoq.
- ATV-nut aqut suliarineqarpoq. Decembarip naalernerani suliarineqarnera ukiuunerani unisikkallarneqassasoq aammalu 2025-mi juunimi inaarsarneqassasoq naatsorsuutigineqassaaq.
- Sisimiut - Kangerlussuaq aqqusinermik sioraasumik pilersaarusiornermut pilersaarutitut siunnersuut ingerlanneqarpoq. Nunap assingisa atortuinik pitsanngorsaaneermut geoteknikusumik misissueqqaanerit dronilu atorlugit naatsorsuinerit naammassineqarput, suliniutaasup ingerlateqqinneqarnissaanut qanoq periusissiorqarnissaanut kommuni utaqqineqarpoq.
- Kulturikkut illorsuaq Nipilersornermik ilinniarfimmik aamma Atuakkanik atorniartarfilerlugu allineqarnera naammassivoq, 2023-milu aggustip naanerani atorneqalereerluni. Aqqusernup appakaaffissap asfalterneqarnissaa aammalu toqqavimmik kusasaanisaaq aggustimi naammassineqarpoq. Sanaartornermut naatsorsuutinik suliaqartoqassaaq.
- Siusinnerusukkut ilinniarlut inaanmi / Misi-p allaffiani B-904-mi meeqqanut inuusuttunullu ulloq unnuarlup paaqqinnittarfik, illup iluani atortunik ingutserineq naammassineqangajalerpoq, erngup aqqutaanik allangortitsineq naammassineqarpoq. Oqoqarsinnaanerani pasitsaassisoqarnera pissutigalugu oqoqarnerisooq misissuiffigineqarnikuuvoq, nalunaarussiaq misliuullu tiguneqareerput oquujaanerlu aallartinneqareerpoq.
- Sisimiuni arsaattarfimmut nutaamut missiliuut C aasaq tiguneqarpoq, annertuumik nikingassuteqartoqarnera pissutigalugu siunnersortimut allamut suliaasaq neqeroortigineqarnissaa aalajangiunneqarnikuuvoq, kingusinnerpaamik novembarip naanerani atorsinnaasatut siunnersuut tiguneqassaaq.
- Akiani majuartaateqarfissamut sanaartornissamut pilersaarut naammassillugu allanneqareerpoq, sapaatip akunnera 45-mi teknikkeqarnermut ataatsimiititaliamut saqqummiunneqassaaq, akuersissutigineqareerpat siunnersortinut neqeroortigineqassaaq.
- Berthelsenip Aqq.-taani nutaanik kuuffissualersuinerit aasaq neqeroortigineqarput, suliariumannittussarsiuussineq ingerlanneqareerpoq. Suliarinnittussanik isumaqatigiissut atorneqareerpoq, suliaasaq 2024-mi oktobarimi aallartinneqassaaq.
- Kangerlussuarmi utoqqarnut piginnaanerusunut inissiat 2+2 inissiat, immikkoortoq 1 naammassineqareerpoq immikkoortorlu 2 naammassisarneqarluni.
- Itillimi Illorput 2100 katersortarfinngortillugu allangortiterneqarnera, sanasut naammassillutik nalunaaruteqarnikuupput, novembarip naanerani innaallagissat aqqutaannik suliaasat suliarineqassapput.

Maniitsumut tunngatillugu 2024-mi septemberimi sanaartukkanut atortulersuutinullu annertunerusunut tullinnguuttunut killiffik:

- Ungusivimmi sanaartorfissagissaanerit immikkoortoq 1 naammassineqarput, aqquserngup ingerlaarfiata naggataa illoqarfimmik tullissaanik asfalteqarnermut atatillugu 2025-mi asfalterneqassaaq.
- Immikkoortumi inuussutissarsiorfeqarfimmi sanaartorfissagissaaneq (Immikkoortumi inuussutissarsiorfeqarfimmut aqut Atortulersuutit ilanngullugit) suliniutigineqarpoq, suliamulli missiliteqarfiusut missingersuutinit qaffasinnerujussuupput.
- Sarfanut aqqusinermik pilersitsineq suliarineqareerlunilu naammassineqarpoq.
- Kuuffissualersuinermik immikkoortoq 3 aamma 4 aallartinneqarput.

- Atuarfik Kilaaseeqqamik nutarsaaneq alliliinerlu neqeroorutigineqarpoq, isumaqatigiissut allanneqareerpoq, atsiorneqarnissaa amigaataavoq. Oktobarip naanerani ilassutitut aningaasaliissuteqartoqarpoq, aammalu atortussanik pisiniassamut aamma entreprenørimut piareersaatitut suliassanut atuisinnaatitaaffiliisoqarpoq.
- Atammimmi inuusuttunut inissiat pingasut, tunniussisoqarnikuuvoq aammalu illunik ingerlatsineq A/S Ini-mut tunniunneqarnikuuvoq.
- Bussinut garagemik nutaamik sanaartorneq aallartinneqareerpoq.
- Atuarfik Kilaaseeqqamik alliliineq nutarsaanerlu upernaq neqeroorutigineqarpoq. Neqeroorummik tiguisoqarnikuuvoq, ajoraluartumilli isumaqatigiissummik atsiortoqarnikuunngilaq. Suliassaq neqeroorutigineqaaqissaaq.

Sumiiffinni marluusuni illuutit nutarterneqarnissaannut, sunngiffimmi silami sammisassaqaartitsinermut, aalisartut piniartullu atugaannik pitsanngorsaaniissamut kiisalu avatangiisinik pitsanngorsaaniissamut sulinissamut aningaasat atugassiissutit atorlugit ingerlaavartumik sanaartormik suliat ingerlanneqarput.

### **Innersuussut**

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuinerlut Sanaartormullu 2024-mi oktobarimut qaammammut nalunaarusiaq akuersissutigineqassasoq.

### **Aalajangiineq**

Akuerineqarpoq

## **Imm. 3.2 2025-mi akigititat, Teknikkikkut ingerlartsineq Pilersuinerlu**

### **J.nr. 06.01.01 Tunuliaqutaq**

2025-mut missingersuutit akuerineqarnissaanut atatillugu kommunip ukiumut akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkimut Avatangiisinullu Immikkoortortap ataani akigititat Teknikkimut Avatangiisinullu Ataatsimiititaliamut atuupput, tassa teknikikkut ingerlartsineq pilersuinerlu. Sullissinernut akiligassanik ingerlatitsisinnaaniarluni, akigititat ukiumut akigititani aalajangersarneqarsimassapput.

### **Maleruagassatigut tunngavissaq**

Missingersuutini akuersineq ilutigalugu akigititat akuersissutigineqartussaapput, ukiumilu missingersuusiorfiusumi atuutissallutik.

### **Pissutsit atuuttut**

Tassani TAI ataani atuiffimmut akigititani allannguutissanut siunnersuutissanut tunngavissanik pilersitsisinnaasunut, akit oqaasertaliussassallu ataani ingerlanneqarput.

Ukioq manna allannguutissatut siunnersuut ESANI-p kommunit ataatsimut ikuallaaviata Sisimiuni 2025-p qiteqqunneraniit ingerlalnissaa naatsorsuutigalugu eqqakkanik passussinermut kiisalu eqqaavilerinermi anartarfilerinermilu akigititanut tunngasuvoq. Tamanna pilersitsis illoqarfimmi eqqakkat ikuallanneqarsinnaasut ESANI-p ikuallaavianut toqqaannartumik tunniunneqartallissapput. Soorlu aamma umiarsuarnit takornariartaatinit eqqakkat ikuallanneqarsinnaasut ilanngullugit. Eqqakkat ikuallanneqarsinnaasut ikuallaavimmut nutaamut taamaallaat tunniunneqartarnissaat qulakkeerniarlugu kommunimit suliassat aqunnissaannik isumagisassaqaassaaq. Eqqagassat allat, matumani saviminikut aamma avatangiisinut navianartut, tigooraavimmut kommunip ingerlatarisaanut tunniunneqartarneri isumagineqartarnerilu suli taamaakkallassapput. Soorluttaaq kommunimi suli inissiiveqassasoq.

Ilangussaq 1-miittut tassaapput Kommunip 2024-mi akigititai, 2025-mut allannguutissatut siunnersuutitallit. Allannguutit aappalaartumik allaqqasut tassaapput allannguutissatut siunnersuutit Teknikkeqarnemut Avatangiisinullu Immikkoortortaqqarfimmit pisariaqartutut nalilerneqartut.

### **Atuilluartuunissakkut kingunerisinnaasai**

Akigititani sannaveqarfiutilinnut avataaneersunut akiliuteqartarnerup naligiissarneqartarnerinut, innuttaasut imaluunniit suliffeqarfiit ataasiakkaanit akitsuutit akilerneqartarnerinut isertitanut kommunip aningaasartuutai nalimmassarneqartariaqaraluarput, taamaalilluni innuttaasut eqqagassaqqarnerinik annikilliliinissamut kajumissaarneqarsinnaassallutik.

## **Aningaasaqarnikkut allaffissornikkullu kingunerisinnaasai**

ESANI-mut ikaarsaarneq qularnartorpaalortaqartoq eqqarsaatigalugu 2025-mi eqqakkanut akigititat allanngortinniarneqanngitsut allaffeqarfimmit siunniunneqarput. Sanaartorneq angisuujullunilu tekniskiuvoq, taamaammat qaqugorpiaq ingerlanniarneqalissanersooq qularnartortaqarpoq. Soorlu 2025-mi upernaamut ingerlatsinissamut ilitsersuummi aatsaat paasinarsiumaartoq ESANI-p ikuallaaviani eqqakkat qanoq ittut ikuallanneqartassasut aamma sorliit kommunimit isumagineqartassasut. Tamatuma saniatigut Maniitsumi nunaqarfinnilu eqqakkanik passussineq 2025-p ingerlanerani ikuallaavimmut nutaamut ilannguttussaapput.

Eqakkat ikuallanneqarsinnaasut aasaanerani akigititai allaffeqarfimmit atorunnaarsinniarneqarput. Akigititat umiarsuarnut takornariartaatinut tunngatinneqarput, matumaninili ESANI illuatungeriinni pingasuni isumaqatigiissusiussasooq suliassarlu akisussaaffigilerlugu pissasooq naatsorsuutigineqarpoq.

Pilersaarusionermut immikkoortortamiit maluginiaqquneqarpoq pilersaarutitut nunaminertanullu sulianut akigititat ukiunit arlalinni ingerlanerluttuusut ingerlatsinikkullu piffissamik atuinermit naapertuunnatik pingaartumik nunaminertanik agguaassinerni sulianut ilaatigut akit qaffattariaqarlutik allaffissornermi qaffasissutsimut naapertuutsilersillugit.

Pingaartumik illut mikinerusut soorlu illuaqqat il. il. nunaminertamik angissusaat eqqarsaatigalugit sivirusumik suliarineqartarput. Tassa imaappooq illut mikinerusut annikitsumik akitsortariaqarput, illuliallu nutaat anginerusut akiisa nalimmassarnissaannut kissaatit akikinnerusariaqarlutik, ilaatigut assersuutigalugu suliat angisuut akornanniittut sanilliullugit nunaminertamik agguaassineq eqqarsaatigalugu sanaartornermi suliat angisuut suliarineqartarneri sivirusunerujussuunnginnamik. Agguaassinerit nutaat allanngortinneqartut eqqarsaatigalugit akit annikitsumik nalimmassarneqassapput. Atuinerit pisariaarupput angissutsillu suussusaalu eqqarsaatigalugit nikingassutai ajornaallisarneqarput.

Nunaminertanik agguaassinerit eqqarsaatigalugit piginnittut nikerinneranni immikkullu akuersissuteqartoqarnerani, allaffissornikkut suliat initunerat annertusiartorpoq, taamaattumik qaffanneqarnissaat innersuussutigineqarpoq.

Kommunimi umiatsianut containerinullu inissiivinnut akigititat atorineqartarnerisa pilerinartuunissaat anguniarlugit allanngortinneqassanngillat, kommunimi inissiiviit sumiiffinnut allanut initutitsissanngillat.

Suliniummumut siunnersuut immikkoortillugu ilanngunneqarpoq pilersaarutillu tunngaviata naleqqussarneqarnissaa periarfissaatinneqassaaq, suliniummumut siunnersuut immikkut KPT/pilersaarutip ilaanut aamma illoqarfimmut pilersaarummut ilaatinneqarluni, akit tarrarsorfigissagaanni taamatut suliarineqartarnera sivirusarpoq.

## **Allaffeqarfiup naliliinera**

2025-mi eqqakkanut suliassaarfimmi allannguutit annertuut Nunatsinni ilaatigut nuna tamakkerlugu eqqakkanik ikuallaasarnermut periusissaq atuutilersinneqarpat allaffeqarfimmit innersuussutigineqarpoq 2025-mut eqqakkanut akigititat allanngortinneqassanngitsut. ESANI-p ikuallaavia atuutilersinneqarpat suliassallu

agguataarneqarneri paasinarsippata, 2026-mut akigititanut naapertuuttunik akigititat allaffeqarfimmiit naleqqussarneqarsinnaajumaarput.

### **Innersuussut**

Teknikkeqarnermut Avatangiisinullu ataatsimiititaliamut kommunalbestyrelsimullu innersuussutigineqarpoq, 2025-mut akigititassatut siunnersuut akuersissutigineqassasoq:

Eqqakkanut akigititat attatiinnaqassasut.

Aasaanerani eqqakkanut ikuallassinnaasunut akigititat atuukkunnaarsinneqassasut.

Nunaminertanik sullissineq pillugu akigititat ajornaallisarneqassasut.

Illuliat sanaartukkallu anginerit pillugit kommunimut pilersaarummut tapiliussanut suliniutissatut siunnersuummut akigititat nutaat atuutilersinneqassasut.

### **Aalajangiineq**

Akuerineqarpoq

### **Ilanngusaaq**

1. 2025-mut akigititassatut siunnersuutit

## **Imm. 4.1 Oqaluuserisassanngortitaq – Kalaalimineerniarfimmit kalaaliminernik avammut tunisisinnaaneq**

### Tunuliaqutaq

Maniitsumi Sisimiunilu kalaalimineerniarfinnit kalaaliminernik avammut tunisisinnaanermut periarfissamik misissuisoqarnissaa pillugu 2024-mi juunip 14-ianni mail atorlugu kommunalbestyrelsimi ilaasorta Karl Lyberth (Naleraq) siunnersuummik nassiussaqrpoq.

### Maleruagassatigut tunngavissaq

- Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq.

### Pissutsit atuuttut

Suliffeqarfiit inuussutissaleriffiusut pillugit Namminersornerullutik Oqartussat nalunaarutaani pioreersumi § 26 imm. 8 malillugu, tunisereernerup kingorna erisarneq, saliineq aamma uullineq eqqaassanngikkaanni "Kalaalimineerniarfinni" *inuussutissanik tunisassiorortoqaqqusaanngilaq*. Kalaalimineerniarfilli kingullermik 2022-mi piniartunit aalisartunilluunniit tunisassiaasunik aalisakkanik neqinillu qerisunik ilaatigut tuniniaanissamut ukiumik ataatsimik piffissamik killilimik akuersissuteqarfigineqarnikuuvoq. Nersutinut nakorsaqrarfiup (VFMG) paasissutissiissutiginiuuuaa, oqaaseq "tunisassiorneq" aammattaq qerititsinermik ilaqratoq, tassa imaappoq Tuniniaavik - malittarisassat taamaakkallartillugit - qerititsivinnik atueqqaanngilaq, **taamaasillunilu Tuniniaavimmiit qerisunik inuinnarnut, pisiniarfinnut, neriniartarfinnulluunniit nunatsinni nunanullu allanut tunisassiorneq inertequtaavoq.**

Kisianni Aalisarnermut Piniarnermullu peqatigiiffik imaluunniit piniartut/aalisartut ataasiakkaat nersutinut nakorsaqrarfinni pingaarnertut tunisassiorneq nalunaarsortissinnaapput. Nammineq nakkutiginninnissamut pilersaarummik, suliffeqarfiup titartarneqarneranik aammalu suliffeqarfiup suliaanik allatorluagaasumik suliaqarnermik Nersutinut nakorsaqrarfinnut qinnuteqaammik nassiussinermi piomasaaqataapput. Nersutinut nakorsaqrarfiup aammattaq paasissutissiissutiginiuuuaa, assersuutigalugu nunaqrarfinni najukkami pisanut qerititsiviit containerit qerititsivittut nalunaarsorneqassasut, tassani kissassutsimik nakkutilliinermik, qerititsinermut ullumik uppersaarnermik aammalu eqqiaasarnissamut pilersaarummik peqartumik nammineq nakkutilliinissamut pilersaarummik suliaqratoqassasoq. Qerititsivik containeriusoq Nersutit nakorsaqrarfianni containerimut normulerlugu nalunaarsorneqassasut aammalu pingaarnertut akisussaasoqassalluni.

Toqqortaqarnissamik avammullu nioqquteqarnissamik siunertaqartumik puisip neqaanik qerititsinissaq kissaatigineqarpat qerititsiviit containerit atorneqassapput, qulaani tulleriaarneqartut nammineq nakkutilliinertalimik qerititsivittut nalunaarsorneqartussamik.

### Atuilluartuunissakkut kingunerisinnaasai

Pisamik sapinngisamik atuilluarnissaq atuilluartuuneruvoq.

### Aningaasaqarnikkut kingunerit

Aalisartut piniartullu pisaminnik sapinngisamik tunisaqarsinnaanermut pitsaanerpaanik periarfissaqassappata, najukkami inuiaqatigiinnut aningaasaqarnikkut pitsaasumik kinguneqarsinnaasoq ilimagineqartariaqrpoq.

### **Innersuussut**

Teknikkeqarnermut Avatangiisinullu immikkoortortaqarfiup Kommunalbestyrelsimut innersuussutigaa,

Paaasissutissiissut tusaatissatut tigu~~neq~~**assasoq**



**Aalajangiineq**

Qerisunik tuniniaasinnaanermik immikkut akuersissummik allaffeqarfik qinnuteqassasoq  
piumasarineqarpoq.

Ilanngussat 1. oqaluuserisassanngortitaq

## **Imm. 4.2 Sanaartornissamut pilersaarummik saqqummiineq – Akiani Nattoralinnguami majuartaammik nutaamik pilersitsineq**

*Projekt nr. 500400*

### Tunuliaqutaq

2024-mut missingersuutininik aappassaaneerinninnermi majuartaammik imaluunniit sisorartarfimmik nutaamik pilersitsinissamut aningaasaliilluni, sanaartornissamut kissaatit ilaannik kommunalbestyrelsi akuersissuteqarpoq. 2024-mut 1 mio koruuninik aammalu ukiumut missiliuteqarfiusumut 2025-mut 21 mio. koruuninik aningaasaliisoqarpoq.

Majuartaat pioreersoq imeqarfiup killeqarfiata iluaniippoq taamaatumillu alliliisinnaanissamut periarfissaqarani. Nunap ilusaa, anori qaamanerlu peqqutigalugit, sisorarfissaq apummik annertuumik pisariaqartitsisarpoq, taamaasilluni sisorartarfiup ammasarnera qanoq apitigineranik apeqqutaalertarluni.

### Maleruagassatigut tunngavissaq

Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat Inatsisartut inatsisaat nr. 19, 12. juni 2019-imeersutigut allanngortinneqartoq

Atortut innaallagiatortut eqqaanni innaallagiatortuunngitsunik sulinerimik ingerlatsinermi isumannaallisaaneq pillugu Namminersorlutik Oqartussat nalunaarutaat pillugu allaffissornikkut najoqqutassiat nr. 24, 12. december 2019-imeersoq

Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Sulinerim atugassarititanut malittartisassat

### Pissutsit atuuttut

Majuartaammik pioreersumut appakaannissamut pissutsit imaapput, annertunerusumik qamuterallannik atuisoqartariaqarluni. Akiani majuartaatip nutaap innuttaasunit tikikkuminartuunissaa kissaatigineqarpoq, taamaattumillu appakaaffissatut aqqusinniortoqarnissaanik pisariaqartitsitsilluni. Appakaaffissatut aqqusinernut minnerpaaffissaq 5 meterinik nerutussuseqassaaq, Kalaallit Nunaanni illoqarfinni aqqusinniornermut pilersarusiornermullu GTO-p innersuussutai naapertorlugit aqqusineq toqqavilerneqassalluni. Qooqqup tungaanut nuna maniitsuvoq masarsoqarfiusoq, taamaattumillu naqqanik taarsiinissamik pisariaqartitsiviulluni.

Sulinerim atugassarititanut malittartisassat atuutsinneqassappata, sulisunut atugassarititat naammaginatut pilersinneqassapput, qamussuarmut ataatsimut eqqussivissaq, atuisunullu sullissivik. Tassani billetsinik tuniniaaveqarsinnaavoq, perusuersartarfeqarluni, sisoraatinut atortunut il.il. ilitivsivisinnaasumik quitaqarsinnaalluni, qamussuarmut ataatsimut aassiisarfeqarluni, isersimaartarfeqarlunilu neriffiusinnaasumik.

Sakkortusaavimmit qaninnermit innaallagissamut kabelinik ingerlatsisoqarsinnaavoq imaluunniit illumut sarfaliuummik attaviliisoqarluni.

Majuartaat pioreersoq pisoqaavallaarmat atoqqinneqarsinnaangitsutut nalilerneqarpoq, assartorneqarnissaanullu isaterneqarnermini Akia-nilu ikkussoqqinnermini ajoquseqqissinnaalluni.

Sanaartornissamut pilersaarut ilanngussaq 1-itut ilanngunneqartoq Akia-ni, Nattoralinnguup alannguani majuartaammut nutaamut tunngatillugu suliniummik takussutissiisuvoq.

#### Atuilluartuunissakkut kingunerisinnaasai

Majuartaammut nutaamut appakaaffissiatut aqqusinniornissamik periarfissiinikkut kiisalu majuartaammik nutaamik pilersitsinikkut ukioq naallugu immikkoortumi atuilluatumik sukisaarsaarfimmik pilersitsitsisoqassaaq, Sisimiuni sunngiffimmi sammisaqartitsinernik nukittorsaasusaaq.

#### Aningaasaqarnikkut allaffissornikkullu kingunerisinnaasai

Akiani Nattoralinnguami majuartaammik nutaamik pilersitsisoqartinnagu, majuartaatip nutaap inissisimaffissaanut appakaaffissiamik aqqusinniorluni sanaartorfissagissaaqartoqartariaqaraluarpoq, taamatullu majuartaateqarfissap kiisalu illutassaata inissisimaffissaani nunatamik manissaasoqarluni.

Suliniutip qanoq akeqarnissaanik naliliinissamut sanaartornissamut pilersaarutaasoq aallaavigalugu pilersaarusiornissaq pisariaqarpoq.

Kisianni taamaaliornikkut ingerlatsinermut aserfallatsaaliinermullu aningaasartuutit qaffasinnerusut naatsorsuutigineqassapput. Majuartaammik nutaamik pilersitsinikkut aqqusinermik kiisalu illumik nutaamik pilersitsisoqassaaq.

#### Allaffeqarfiup naliliinera

Allaffeqarfik naliliivoq, Akia-ni majuartaatip nutaap ukiuunerani timersornermik pitsaanerusumik atuilluaanissamik periarfissiissasoq. Majuartaatip nutaap inissisimaffiata eqqaa aasaanerani sammisaqartitsivissanik pilersitsinissamut periarfissaqarluarpoq, tassa immikkoortumi illuaqqanik sanaartornissamut periarfisaqarmat aammalu taseq qajartornermut sammisaqartitsinernulluunniit allanut atorneqarsinnaalluni.

Taamatullu majuartaatitigut nutaatigut meeqqat inuusuttullu nunat assigiinngitsut akornanni sisorarnermik unammisarnernut peqataajuarsinnaalissallutik kiisalu majuartaat nutaaq Sisimiuni Kalaallit Nunaanni pissartannorgniunnerit ingerlanneqartarnissaannut qammaalissalluni.

#### **Innersuussut**

Allaffeqarfiup Teknikkeqarnermut ataatsimiititaliamut innersuussutigaa,

- Sanaartornermut pilersaarut akuersissutigineqassasoq aammalu 'neqeroorut kommunimut iluaqutaarnerpaaq' aallaavigalugu tunniussinissamut piumasaqaatitaqarluni siunnersortinut suliariumannittussarsiuullugu suliniut nassiunneqassasoq.

#### **Aalajangiineq**

Akuerineqarpoq

*Teknikkimut Ataatsimiisitaliap ileqquusumik ataatsimiinnera 08.24 – 7. novemberi 2024 –  
Imaqarniliaq*

**Ilanngussaq**

Ilanngussaq 1: Sanaartornissamut pilersaarut Nattoralinnguami majuartaat nutaaq